

淨土叢書

12

普為贈借淨籍贊助編纂及損資
助印預約讀誦受持展轉流通者

回向偈曰

願以此功德
增長諸福慧
所有刀兵劫
疾病災難等
先亡皆超昇
風雨常調順
國運永昌隆
法界諸含識

消除宿現業
圓成勝善根
水火及饑饉
普願盡消滅
現眷咸安樂
人民悉康寧
世界普和平
同證無上道

中華民國六十一年四月初版
中華民國七十年七月再版
西元二〇〇六年二月十五日三版

淨土叢書 全部精裝四十八冊

原編纂者 毛 惕 園 居 士

倡印處：（馬來西亞）新山阿彌陀佛蓮社

17, Jalan Permas 10/3, Bandar Baru Permas Jaya,

81750 Johor Bahru, Johor, Malaysia

電話：607-3875122 傳真：607-3867122
手機：6019-7620272

承印處：福峰圖書光碟有限公司

台北市士林區永公路500巷48號

電話：〇二・二八六一九九〇五

本書願與世界各淨宗學會及念佛團體結緣

淨土叢書二版印行緣起

自古以來，有識之士秉承佛旨，萃集諸經以導眾生之知見。時至民國，爭戰頻繁，幸有道安老法師，為免經教亡佚湮滅於戰亂之中，遂發心編印各宗叢書。其中，以淨土法門普被三根，故特囑專修淨宗之毛惕園凌雲居士，廣蒐古今淨籍，歷數載之功，精編而成今日吾人所見之《淨土叢書》。其來龍去脈，歷史沿革及凡例，詳見前二版李炳南諸師之序文，此處不再贅言。我等何其有幸，承前賢之福蔭，得以受用現成，聞此橫超三界，逕登四土之無上妙法。

此套《淨土叢書》，先有道公發起之初版，早已流通告罄，又承靈根長老發行之增刪再版，亦已絕版於世。毛凌雲老居士曾於再版凡例文末，期許後人於此叢書印行三版時校勘重編，以臻完善。今有淨宗學人等，不揣淺陋，謹以赤誠，一為落實毛老居士之願望，二為避免此得來不易之寶典失傳於多事之秋，三為感念恩師——淨宗大德上淨下空老法師教誨之恩德，並為恩師祝壽，遂發心編印《淨土叢書》第三版。

此次印行《淨土叢書》，適逢中東戰火，限於人力與物力，仍保留二版之編輯結構，僅將原以影印為主之二十鉅冊，重新排版成精裝四十八冊（含阿彌陀佛四十八願）。《淨土叢書》乃淨宗後學研閱之最佳教材，願我學人以法為師，專修專弘，甘為彌陀之真弟子、真使者，念佛求生淨土，乘願再來廣度苦難眾生，方不負前輩之用心良苦也。

第十二冊

目次

註疏部
(土)

無量壽經連義述文贊

唐憬興撰

無量壽經起信論

清彭際清述

華嚴經普賢行願品親聞記

民國慈舟述

華嚴經普賢行願品疏鈔擷

民國范古農擷

華嚴經普賢行願品輯要疏

民國諦閑編

淨土生無生論註

明正寂註



無量壽經連義述文贊

無量壽經連義述文贊卷上

釋 璟興撰

佛說無量壽上者述云將講此經略作三門一者來意二者釋名三解本文 初來意者略有三義一者欲顯淨土之所因故謂前經中雖言華座由法藏比丘願力所成而猶未說極樂依正二報莊嚴皆依法積本誓力成故今更須廣說宿世四十八願以顯彼土今現之因二者欲辨本誓之不虛故謂一切佛雖發本願本願亦有不能果逐如般若中所有衆生令得滅度法積願力即不如此故今廣說依正功德嚴淨以顯宿願必有所辨使增行者往生之意三者欲示穢土之苦惱故謂觀經中雖言未來一切衆生爲煩惱賊之所苦害而衆生不聞痛惱之相即不能起欣厭之意往生之業亦不得成故今廣宣五惡痛燒以於苦害令修行者厭此苦域欣彼樂方修福觀行速出娑婆而生淨土如其次第即所成所化之二也以是三義故次觀經後說此經也 第二釋名者觀乎歷代傳來經本經本題名雖復多途今且申三代經之首名也魏時帛延顯無量清淨平等覺經之號吳時支謙立諸佛阿彌陀三耶三佛薩樓佛檀

過度人道經之稱亦名大阿彌陀今西晉法護名無量壽經故經之名雖復廣略其義大同欲釋法護經本之名即有四對一總別相對即佛說及經名總無量壽名別故二人法相對即佛者人餘名法故三詮旨相對即無量壽名旨經者詮也說兼二故四首尾相對即上者對下之言下亦對上之詞如次首尾故委細之義如前釋

我聞如是者述云第三解本文又有第二直申彌陀宿成佛刹本願樂果以例衆生生之因果此中有說此經大開十分一從初至於一時來會已來名序說分二時世尊諸根悅豫下是現相分三尊者阿難承佛聖旨下是啟請分四於是世尊告阿難曰下是敘興分五阿難諦聽今爲汝說下是正說分六彌勒菩薩白佛言下是生生分七佛語彌勒其有得聞下是勸信分八爾時世尊說此經法下是說益分九爾時三千大千下是勸請分十佛說經已盡靡不歡喜下是畢喜分逐申有此十分之意然未盡理故不採錄有何未盡者如來現相將顯聖教所說法門應名目如何乃言現相分耶若發所說非發起序者阿難證誰證信序若非證信必不可言

序說分故又自世尊諸根悅豫前都未有說序何所說故作序說分之名也不可以他兼發起名序說分目單證信故又阿難申問於前如來

送答於後即顯所說之旨有何所少諦聽已去乃名正說正說與序既不能別後諸分意亦成

乖角若如所言每章段盡應作別分分非唯十故有說此經文別有三從初我聞至願樂欲聞

是其由序佛告阿難乃往過去下是正宗分佛語彌勒若有得聞下是流通分初由序有二初

我聞如是即證信序後一時佛下義既兩兼故對準證信爲發起序於中有三一辨化主二辨

徒衆三如來現相阿難申請此亦不然阿難申請若發起者佛答阿難應非正宗若答正宗問

必非序故檢諸經論答名正說必兼其問言問雖發起答是正宗無此例故又時處等准證信

我問如是詎不然發起若聞若佛皆說前有故又時佛處辨其化主亦違佛地論總顯已聞等

五義故今觀此一部之經宜作三分初從我聞至光顏巍巍已來名說經因起分次自尊者阿

難迫于略說之耳已來名問答廣說分後始佛語彌勒盡於靡不歡喜已來名問說喜行分將

釋有此三品之意還同佛地論初又有二初傳

法勸信分後發起聖說序初又有五我聞如是此初傳法也帛延支謙皆無此言法護經存言順印度

一時者述云此第二傳時也佛者述云此第三傳主也

王舍城耆闍崛山中者述云此第四傳處也若釋此四文即同前經故不勞再解

與大比丘者述云第五傳機經本不同帛延備敘三衆一聲聞衆即與大弟子衆千二百五十

人比丘尼五百人清信士七千人清信女五百人也二菩薩衆即菩薩七十那衍也三諸天衆

即欲天子八十萬色天子七十萬遍淨天子六十那衍梵天一億也支謙唯標聲聞之衆即摩

訶比丘僧萬二千人也今法護經略舉比丘菩薩二衆餘皆無也所以有此備闕者蓋翻家意

樂互存廣略異由此也將釋傳機有二初聲聞衆後菩薩衆衆有此次第亦如前解初又有五

此初標行也即法華論中云論聲聞修小乘行依乞等自活故威義一定不同菩薩故以比丘

爲名也萬二千人俱者述云此第二唱數也彼論亦云

數成就者謂大衆無數故總別雖異其義一焉

而帛延唱千二百五十人者略舉常衆不盡之言故亦不違

一切大聖神通已達者述云此第三歎德也一切者即普及盡際之言大聖者即會理之德名聞凡聖故論云心得自在到彼岸即其大也神通者即該六通之名無壅叵測之義也已者竟也達者即作證義皆於六通究竟作證故有說阿難既在學地位雖未得通而有勝德亦名已達非也阿難爲人非凡所知其實即經言迹雖初果初果亦伏欲障礙根本定縱無漏盡既發五通故從多言已達都無致恠

其名曰尊者了本際至尊者阿難者述云此第四列名也諸經列衆無定次第故或有行德大小爲次第如法華經迦葉在第二驚子列在迦延旃上等或有以出家前後爲次第如報恩經初度五人次度耶門徒五十次度優樓頻螺門徒五百次度伽耶門徒三百次度那提門徒二百次度驚子門徒一百次度目連門徒一百或有以德辨爲次第如無垢稱以命問疾要假智辨方對揚故今此經中即同報恩入聖次第帛延列其三十六名支謙法護皆標三十一僑陳如爲其初故帛謙並曰賢者而護法云尊者

皆嘆德之言即前大聖之義了本際者即支謙云物隣也梵云阿若多僑陳那僑陳是婆羅門姓那是男聲阿若多是解義初解淨居亦言已解因以爲初解僑陳之姓乃亦衆多以解標號以男簡女故復云那今言本際者即四諦眞性了者即解故言雖不同其義一也正願者即謙云拔智致蓋是拔提之名也有說馬師因驅擯法發更不往他家之願遂得羅漢故即恐非也准婆沙論馬師滿宿身顯龍相遂生其中得羅漢果受畜生身無是處故有說正語即畢陵伽婆差非也其人即惡性麤言雖得羅漢餘習亦在必不可言正語故今即論云摩訶那彌此云正語蓋是摩男之名矣即帛延云賢者能讚也大號者即論云賢者含屍蓋爲離婆多也其人持不妄語因證鬼淨以屍代身遂居王位德名令聞諸方故仁賢者即謙云須滿曰內懷賢善外申慈仁故因名之離垢者即謙云維末坻蓋淨除是也說本起云輪提陀掃淨寺舍願令心無塵垢如寺故名淨除淨除離垢言異義同故名聞者有說長爪梵志博達之名聞於十方故云名聞此恐非也違說本起故無有除此而可准故今依彼經夜耶尊者名爲名聞梵行淨潔

衆所見敬故善實者即說本起長者凡耆名爲取善供養維衛佛塔已來九十一劫常生人天遂得阿羅漢故具足者即應說本起樹提尊者願得受大戒具足成沙門故牛王者即笈房鉢底此言牛相而言王者兼美而已梵云鄔盧頻螺此云木苾當其胸前有一疋起如木苾故今云優樓頻螺者訛也伽耶者即象頭山逐處之名故梵云捺地莊嚴經云難提即江名也此三迦葉皆飲光種兄弟三人帛延經中更有賢者氏聚迦葉蓋說本起云承禪迦葉應云此中尊者具足覺經除氏聚後即云牛飼故既無誠說且開二途取捨任意學者應知梵云迦葉波此云飲光即婆羅門姓上古有仙身有光明蔽日月之光迦葉是種自亦有光能飲日月故襲性之名摩訶言大既大富長者之子亦爲大人所識故表大名以簡餘三梵云奢利弗怛羅舍利云驚即百舌鳥亦曰春鷲弗怛羅云子以母才辯猶如驚鳥此是彼子因以名之故云驚子言舍利弗者訛也梵云摩訶沒特伽羅此云大採菽氏上古有仙居山寂處常採菽豆以充所食因爲其姓尊者之母是彼之族仍以名之得大神通簡餘此姓故亦云大言目連者音訛也

劫賓那者此云房宿佛與同房宿化作老比丘爲之說法而悟道故梵云摩訶迦多衍那此云大剪剔種男即婆羅門姓上古多仙山中靜處年既掩久鬚髮稍長垂人爲剔婆羅門法行剔髮故一仙有子兄弟二人俱來覲父小者乃爲諸仙剔髮諸仙願護後成仙貴爾來此種皆稱剪剔剔者身是男子威德特尊簡餘此種故云大剪剔種男古迦旃延此云繩扇訛也今云大住者亦襲昔之名母戀此子不肯改嫁如繩繫扇可謂住故大淨志者即說本起中賴吒和羅更無所樂志於清白法樂閑居第一故名大靜志摩訶周那者即周那般特此云路生路生有大小故摩訶以簡其小梵云補賴拏梅怛利曳尼弗怛羅此云滿慈子言富樓那彌多羅尼子者訛也滿是其名慈是母姓母姓是慈滿尊者是慈女之子故因名之今言滿願子者訛也梵云阿泥律陀此云無滅佛之堂弟即天眼第一今言離障意亦此謂也言阿菟樓駄訛也流灌者有說即離婆多此云和合故云流離此恐非也既非離字謙亦云難提故今即說本起中名難提也梵云孫達羅難陀此云艷喜喜即自名艷是妻號欲簡牧牛難陀故因妻以表其名即

佛親弟大聖王之所生也維衛佛世施煖浴室故端正大勢見之無厭今言流灌者亦襲彼之名也堅伏者即應說本起中樹提故彼經云堅精進定意無爲無動故帛延亦云賢者了深定故面王者即支謙云賢者波鳩螺也梵云薄矩羅此云善容善容雖多以面爲先故義名面王異乘者即帛延云賢者氏戒聚戒行穎萃故云異乘仁性者即應本起中尸利羅故彼經云施與錢財救諸貧窮濟衆下劣故嘉樂者即本起中難陀名爲欣樂支謙亦云難持正音即難陀此云嘉本乃是牧牛之人因問佛牧牛十一事知佛具一切智獲阿羅漢甚極聰明音聲絕妙故今嘉樂者亦非正翻之名也善來者即支謙云賢者蔡揭本起亦云貨竭傳云梵音莎揭哆譯爲善來來者歸也來歸佛法有莫大利故云善來善來雖通千二百五十人名即總以立別號故无如來常衆皆善來得戒善如大莊嚴經梵云羅怛羅此云執月今云羅云延帛云王宮生皆訛之也梵云阿難陀此云慶喜今云阿難帛延云博聞皆略列也

皆如斯等上首者也者述云第五略結也又與大乘衆菩薩俱者述云第二菩薩衆有四

此初標行也即法華論中菩薩修大行求覺利有情以薩埵爲目又以神通力隨時示現能修行大乘如拔陀婆羅等十六人具足菩薩不可思議事示優婆塞等四衆之形說爲菩薩准帛延研菩薩七十那衍而今不說者略故使然

普賢菩薩至一切菩薩者述云第二列名有二此初賢劫菩薩也普者普遍即證眞之智賢者賢善即涉事之行內德普遍外化賢善故名普賢妙德者應云妙吉祥吉祥者即功德之義義名妙德慈氏者即於慈氏佛所初發菩提心亦生慈姓故云慈氏梵云吠陀此云善故亦名善劫義如智論而言賢者即從今名也劫之延促佛之多少廣如彌勒經述贊中解

又賢護等至解脫菩薩者述云此後餘劫菩薩也有說賢等十六正士者舉初括後以總標善思議等者逐其所等以別列此恐不然若善思議等即十六正士者應言十五正士不爾標列有相違故設許此者亦違法華論云跋陀波羅等十六菩薩故善思議等與無盡意經中十六菩薩名異必不可言善思議等即十六正士有說賢護等即二菩薩故遍十六士內有賢仁之德故云賢士外懷護物之意故云護意此亦不

然跋陀婆羅此云賢護而分爲二必相違故又普賢等各標一名賢護應非二菩薩名故有說雖標十六數而列十五名缺落如教法經云有二菩薩一名賢護二名一切世間樂見此亦不然彼既唯三此有十六不可一列故不可諸經中菩薩若在賢護後者皆入十六數故今即餘劫菩薩自有二類故賢護等十六正士即其一類也有說十六大國各有其一故有十六非也一國多菩薩理必應有故國別唯一無別所以故今即此十六願行相類故聖教中處處皆標其十六數備不思議事逐物現化故廣如彌勒經述贊中解也善思議等十四菩薩即其二類也雖復十四略作七對一思法信解對即善思議觀察教法信順教授名信慧故二證空涉有對即內證空理名爲空無遊化諸有名神通化故三大慈大智對即慈光炬英名爲光英慧根無加名慧上故四自利利他對修菩提道名爲智幢防護根門名寂根故五法名喻名對即願慧者法香象者喻故六福資智資對即備福資糧名爲寶英具智資糧名中住故七修行除縛對即修聖行名爲制行滅除二縛名解脫故皆遵普賢至功德之法者述云此第三嘆德有

二初備權實之德後利自他之行初又有三初略歎次廣歎後結嘆初又有二此初嘆實德也遵普賢之德者即修上位之行具菩薩行願者即備下位之願住功德之法者即辨自住之法遵者循也順也普賢者即依如如備諸德行居等覺之名也故賢護等皆遵普賢大士之德即知位階法雲地也行者即瑜伽論中菩提分法諸波羅蜜成就有情神通之行願者即弘慧經中知一切法得般若舟值智慧風得善方便度一切人超大苦海得具足道登涅槃山入無爲舍得法性身十種之願無願行沈沒苦海無行之願亦無所熟故備行願可謂菩提之道也功謂功能諸行皆有利國之功故即善行家之德故名功德有德斯成故云一切成圓備故云安住

遊步十方行權方便者述云此後歎權德也步者行也身化無礙無感不應故云遊步十方化行善巧無形不現故云行權方便

入佛法藏究竟彼岸者述云第二廣歎有二此初歎實德也有說入佛法藏者申因上昇究竟彼岸者彰果畢竟如來藏中恒沙之法名佛法藏證會名入到涅槃岸名究竟故此恐不然如

來藏即佛性義而言證會恒沙德法名因上昇者即違經云見佛性時得無上覺故若證佛性非菩提果至涅槃岸應非圓寂果故今即入者達解究竟證解知如實自利及事利他故云入佛法藏即法華中善入佛慧通達大智也彼岸者真理證此實性故云究竟即彼經中到於彼岸也恒照二諦以利自他可謂實德故

於無量世界現成等覺者述云此後廣歎權德有二此初總嘆也有說諸菩薩各於一界成佛化生故云無量世界此心不然初地菩薩神通境界尚百佛世界況亦法雲菩薩化物世界可得稱數而言各於一界必非正理故今即一菩薩各於無量世界現化故於無量世界現成等覺

處兜率天弘宣正法者述云此後別嘆有九一捨此昇天二降神入胎三出胎異常四伎備解寬五效藝納妻六出俗從邪七伏魔成覺八法化普洽九歸真利物此初也處兜率天者即昇天也弘宣正法者化備天衆梵天覩史多提婆此云喜足天諸佛常行中道故諸菩薩皆生此天即莊嚴經云曾於百億那由他拘胝佛隨佛出家曾於五十百億那由他拘胝佛所而行大

施已曾親近三百五十拘胝諸辟支佛已曾教化無量阿僧祇諸聲聞衆皆令住正方便中爲欲證無上覺乃趣一生補處從此命終生兜率天爲彼天子名曰淨幢諸天子等百千拘胝那由他數大集法堂圍遶菩薩聽受所說無上大

法斷諸煩惱生廣大心

捨彼天宮降神母胎者述云此第二降神入胎也欲使衆生尊重心易受所說故捨天宮以下入胎彼經云菩薩將欲降生十二年前有淨居天下閻浮地作婆羅門說韋陀論十二年後有一勝人現白象形入於母胎具大人相若出家者當得成佛復有天子下閻浮提告辟支佛應捨此土當有菩薩降神入胎時王舍城尾盤山中有辟支佛名曰摩燈聞是語已起踊在虛空高七多羅樹化火焚身入於涅槃唯餘舍利從空而下波羅奈國五百辟支皆亦如是菩薩處於天宮觀時方國族昇一大殿名曰高幢縱廣正等六十四由旬爲諸天衆說百八法門謂從信法門終灌頂法門從彼天宮下生入胎有一天子名曰勝光作如此說圍陀論所說菩薩下生當作象形而入母胎菩薩冬節過已於春分中毗舍佉月不寒不熱之氏宿合時白月圓

淨弗沙星正與月合其母受持清淨齋戒安穩睡眠時爲白象形六牙具足其牙金色首有紅光形相諸根悉皆圓滿正念了知於母右脇降神而入不應難言歎諸菩薩德如何將釋此九相文者釋迦八相即諸菩薩勝進行故又現八相時諸菩薩一一現相相似衆生謂一故引彼經釋尊莊嚴釋此菩薩九相之文有何乖角但經文煩廣恐費言論故今推義而約言稱經而備理菩薩處胎莊嚴雖多略申三種一者宮殿即欲界諸天各持妙宮至輪檀王王亦爲菩薩造殿綺麗人間所無菩薩威力故令諸宮中悉現摩耶聖后之身皆有菩薩右脇結坐諸天自謂菩薩之母唯住我宮菩薩寶殿縱廣正等三百由旬三重巾飾皆以牛頭栴檀天香所成其香一分價直三千大千世界欲界諸天宮皆現菩薩宮殿之中一切將入胎時於母右脇先有此殿然後從天降神入胎於此殿中結跏趺坐二者飲食即菩薩入胎之夜下從水際涌出蓮華穿過地輪上至梵世縱廣正等六十八洛叉由旬唯除佛菩薩及大梵王無能見者三千世界所有美味猶如甘露現此華中大梵天王以毗瑠璃器盛此淨妙甘露之味奉上菩薩菩薩

受食唯除究竟後身菩薩無能食者斯由長夜醫藥救病妙華侍聖福報所招三者化物即菩薩處胎身相光明普遍世界四大天王夜叉大將與其眷屬釋提桓因與三十三天娑婆世界主大梵天王與無量梵衆如其次第晨朝中時申時爲聽法故皆見菩薩菩薩慰問爲其說法禮退而去十方無量諸菩薩於日入時爲聽法故來互相問答唯同行所見摩耶不能見又准彼經十方無量一生補處十方世界欲色天子皆至兜率供養菩薩菩薩即於兜率最勝天宮而便降生時放身光照三千界六種震動有十八相而今無者蓋略而已

從右脇生者述云第三出胎異常有三此初生處異常也有說摩耶十月已滿乘雲母車往於林微尼園攀無憂樹從右腋下而生者非也檢莊嚴經都無此言故今即菩薩處胎十月既滿將出胎時聖后即知於初夜分請王欲詣彼龍毗園王敕臣佐駕二萬象色類白雲其形似仙備諸車兵執持器械以諸妙寶瑩龍毗園如歡喜苑聖后昇寶乘世界六種動帝釋淨路四王御車梵天前道除諸惡相到園遊觀至彼寶樹過去無量諸佛之母皆來坐此寶樹下時百千

淨居天亦至此樹下圍遶聖后喜禮而歎后身放光仰觀於樹即以右手攀樹東枝頻呻欠呿端嚴而立從母右脇安詳而生時帝釋梵王曲躬而前即以兩手覆僂奢耶衣承捧菩薩將菩薩殿還於梵宮

現行七步至爲無上尊者述云此次示非常相也菩薩生已不假扶持即於十方各行七步下足之處皆生蓮華無有怖畏欲示丈夫超于六道奮迅之力故行之七步光照十方者即身光利物故彼經中菩薩放光無量異色滿三千界衆生遇者心安樂遠貪恚癡離諸罪障六種震動者欲使魔怯伏也震者動也准長阿含六動有三一六時動謂入胎出胎出家成道轉法輪入涅槃今動者即出胎時二六方動謂東涌西沒西涌東沒南涌北沒北涌南沒中涌邊沒邊涌中沒三六相動謂動涌震擊吼爆搖颺不安爲動鱗隴凹凸爲涌隱隱有聲爲震有所扣打爲擊碎磕發響爲吼出聲驚異爲爆此各有三名十八相謂動等極動餘五皆爾此中六動即六相動故莊嚴經云六動有十八相稱無上尊者即自唱尊號令物歸趣也若具言之東方行言我得一切善法當爲衆生說之於南方言我

於天人應受供養於西方言我於世間最尊最勝於北方言我當於一切衆生中爲無有上於下方言我當降伏一切魔軍於上方言我當爲一切衆生之所瞻仰菩薩說是語時其聲普聞一切三千世界雖有此異莫非世尊之所爲故總云無上尊如彼經云菩薩於阿僧祇百千物抵那由他劫修精進力故初生之時即能十方各行七步一切諸佛咸加此地化爲金剛菩薩遊踐得無陷裂

釋梵奉侍天人歸仰者述云此明天人侍歸也菩薩生已於龍毗尼園七日七夜人天擊奏種種微妙音樂以供尊顏三萬二千名聞勝智諸婆羅門隨其所須皆令滿足梵王帝釋化作端正摩那婆身於衆會中坐第一座而演吉祥微妙讚嘆摩醯首羅與淨居天設大供養宣說此菩薩定得作佛還歸本處生滿七日已摩那聖后即使命終生三十三天過七日已還迦毗羅儀式莊嚴殊勝倍過聖后往龍毗尼園五百釋種各造宮殿請王而言善哉一切成利願天中天幸我宮殿以是成利因緣故名菩薩爲薩婆悉達多王哀諸釋即將菩薩入諸釋宮經於四月方得周遍乃將菩薩歸於自宮自宮之中有

一大殿名寶莊嚴菩薩居已王召諸親族長德耆年請摩訶婆闍波提爲養育主王躬抱付於姨母姨母遂命三十二養育母養育菩薩譬如白月從初一日至十五日清淨圓滿也

示現算計至貫練羣籍者述云此第四伎備解寬也算計者數文者即詩書藝者禮樂射者射術御者即御車是謂六藝六藝久達遂且示學故云示現綜子送反習也陸法言切韻云機縷也音並同也非此中義道術者即神仙之方世俗異典名爲羣籍仙道祕術無不溫習故云廣綜貫者通也練者委也世俗異教亦皆通委故云貫練即彼經中菩薩年始七歲備吉祥之儀諸天人八部一切釋種隨輪檀王而將菩薩詣於學堂時有博士毗奢蜜多見菩薩來威生大慚懼迷悶躑躅地知足天子名曰妙身扶之令起王還本宮菩薩手執天書梅檀之簡塗以天香摩尼明璣以爲嚴飾以問師云有六十五書欲以何書而相教乎時毗奢蜜多聞所未聞喜去高心以嘆菩薩世間無二十千童子與菩薩俱居學堂時日唱字母演出無量法門之聲令三萬二千男童三萬二千童女皆發無上正等覺心故示現入於學堂也

遊於後園至色味之間者述云此第五效藝納妻也講武試藝者即嫂妻之前事處色味間者即納妻之後事有人引本起云擲象角力名爲講武共射金鼓說爲試藝猶有未盡故今即菩薩年既長大王問堪爲太子之妃執杖之女名耶輸陀羅端嚴第一王敕國師往陳執杖執杖報云自我家法積代相承技能過人以女妻之王聞此言憂愁不樂菩薩白王召有異術現我技藝王於城外爲一試場通告天下集善技術至第七日五百釋子菩薩爲首當共出往試場所王遣白象以迎菩薩提婆先至生嫉妬心前執象鼻以手搏而死難陀續至欲出城門見彼白象當路而斃以手倒曳到於路側菩薩尋至坐於寶輅以左足指持彼白象徐擲虛空越七重城過一拘盧舍其象墮處便爲大抗爾後衆人號爲象抗五百釋種皆至此場請毗奢蜜多爲試藝師語言應觀諸釋種中誰最工書毗奢蜜多微笑而言天上人間所有文字太子究之王亦語頽順那觀諸童子誰優算數時菩薩自唱數令諸童子次第下籌無能及者諸童子等次第舉數菩薩運籌唱不能及五百童子一時俱唱亦不雜亂頽順那心生希有歎心智奇敏

捷釋種無及諸釋人天皆歎第一百五釋子角力相撲分爲三十二朋難陀就前聘其剛勇菩薩舉手纔觸其身威力所加應時而倒提婆出衆欲挫菩薩菩薩安祥待右手徐投飄然擎舉

處宮中八萬四千嫖女娛樂而住耶輸陀羅爲第一妃處王宮時能令八萬四千諸嫖等發無上覺心無量諸天皆於無上正等菩提得不退轉說微妙偈起勸請菩薩速疾出家

摧其我慢三擲空中以慈悲故使無傷損諸釋種子俱生瞋忿銳竟奔菩薩指之無不顛仆執杖大臣今可試射阿難陀曰可置鐵鼓二拘盧舍提婆達多曰可置鐵鼓四拘盧舍孫陀羅難陀曰可置鐵鼓六拘盧舍執杖大臣曰可置鐵鼓八拘盧舍菩薩言可將鐵鼓置十拘盧舍菩薩七鐵楯及七鐵多羅樹置十拘盧舍外阿難提婆難陀執杖唯及自限皆不能越菩薩引弓弓及以弦一時俱斷更求良弓取先王弓與釋子釋子皆不能張授與菩薩菩薩安穩而坐左手執弓右指上弦忽然而張似不加力彈弓之響遍迦毗羅城人皆驚怖然後控弦射諸鐵鼓悉皆穿過鐵楯鐵樹無不貫達箭沒於地因而成井爾後衆人號爲箭井人天唱言太子生年未曾習學備此技藝於是執杖以女爲妃故今言講武者即角力射鼓也試藝者即試書運籌也後園者即城外之苑也現處者難陀愛欲遂宜示處故即彼經云爾時菩薩隨順世法現

見老病死入山學道者述云第六出俗從邪有三此初出俗塵也棄國財位者即所棄也諸天勸發菩薩已將諸官屬出城東門見淨居天所化老人愁憂還宮出城南門亦見病人不樂還宮從西門出復見死人迴駕還入故今言見老病死者即淨居天所化可厭之相也凡有生者不問貴賤皆有老病必歸於死而生可欣故示令見悟世非常者如經云三界煩惱猶如猛火迷惑不離恒爲所燒猶如浮雲須臾而滅合已還散如聚戲場故云非常棄國財位者如頌云有爲諸法悉無常五欲財位皆不定爲苦所逼諸衆生願速出家救濟之棄財者如經云染著五欲如被網禽欲如怨賊甚可怖畏處五欲者猶如履刃著五欲者如抱毒樹聖人捨之如棄涕唾也入山學道者即所學也太子出北門見出家人即下車問夫出家者何所利益比丘答言處於空閒脩習聖道調伏諸根護念衆生不染世間永得解脫菩薩喜歎天人之中唯此爲